

Consortzi da scoula La Plaiv Suot Funtauna Merla



Statüts

In vigur a partir dals 1. avuost 2018

Statüts

I. Disposiziuns generelas

Egualited da las
schlattas

Art. 1 Tuot las denominaziuns per funcziuns chi vegnan manzunedas in
quist statüt d'organisaziun velan per tuottas duos schlattas.

Nom, sedia

Art. 2 ¹Suot il nom «Consorzi da scoula La Plaiv SFM» exista üna
corporaziun da dret public i'l sen da l'art. 55 da la ledscha da
vschinaunchas dal chantun Grischun. Il consorzi da scoula La Plaiv SFM
as cumpuona da las seguintas vschinaunchas commembras:

La Punt Chamues-ch, Madulain, Zuoz e S-chanf.

²La sedia dal consorzi da scoula La Plaiv SFM es a Zuoz.

Scopo

Art. 3 ¹Il consorzi da scoula La Plaiv SFM maina per tuot las
vschinaunchas colliedas ün s-chelin secundar I ed in cas da bsögn
ulteriuors s-chelins da scoula.

²El promouva ultra da que la collavuraziun traunter ils servezzans per
lavur sociela da scoula e lavur cun giuvenils.

II. Organisaziun

Organs

Art. 4 Ils organs ordinaris dal consorzi da scoula La Plaiv sun:

- a) ils votants da las vschinaunchas commembras
- b) il cussagl da scoula
- c) la mnedra da la scoula
- d) la cumischiun da gestiun.

a) *Ils votants da las vschinaunchas commembras*

Cumpetenzas

Art. 5 ¹ Ils votants da las vschinaunchas commembras sun l'organ
suprem dal consorzi da scoula La Plaiv SFM. Els sun cumpetents da:

- a) Recepir ulteriuras vschinaunchas i'l consorzi da scoula
- b) Modificher ils statüts
- c) Abolir il consorzi da scoula
- d) Aderir expensas chi surpassan la cumpetenzza d'oters organs dal
consorzi.

²Ultra da que decidan ils votants davart fatschendas, cunter las quelas es
gnieu lantscho il referendum facultativ confuorm a l'art. 24 scu eir davart
iniziativas a norma da l'art. 25.

Cumposiziun

b) Il cussagl da scoula

Art. 6 ¹Il seguond ot organ dal consorzi da scoula La Plaiv SFM es il cussagl da scoula, i'l quèl ils rapreschantants autorisos da las vschinaunchas exerciteschan lur drets.

²Confuorm a lur dret tschernan las vschinaunchas ad ün delegio pel cussagl da scoula our da lur suprastanza cumünela.

³Il cussagl da scoula as constituescha sves e tscherna our da sieu ravuogl ad ün president ed ün substitut.

Incumbenzas e cumpetenzas

Art. 7

¹ Il cussagl da scoula ho las seguaintas incumbenzas e cumpetenzas:

1. Tscherner al president ed al suppleant.
2. Tscherner la mnedra da la scoula.
3. Decreter il quadern da dovairs da la mnedra da la scoula.
4. Tscherner als commembers da la cumischiun da gestiun.
5. Tscherner il post da finanzas.
6. Approver il rapport annuel da la mnedra da la scoula, il quint annuel ed il preventiv.
7. Decreter l'uorden da scoula ed ils reglamaints necessaris a norma da las disposiziuns respectivias da la legislaziun chantunela.
8. Decider davart expensas annuelas d'üna vouta da totelmaing CHF 50'000.— u davart expensas annuelas novas chi's repetan da maximelmaing CHF 10'000.- chi nu sun cuntgnidas i'l preventiv.
9. Decider davart tuot las fatschendas chi pertuochan la gestiun da la scoula.
10. Fer propostas als votants da modifier ils statüts u d'abolir il consorzi da scoula.
11. Examiner e preparar las propostas d'otras vschinaunchas concernent la recepziun i'l consorzi da scoula La Plaiv SFM.

²Ad es chosa dal cussagl da scoula d'applicher la legislaziun da scoula da la confederaziun, dal chantun e dal consorzi da scoula La Plaiv SFM. El accumplescha tuot las incumbenzas dals fats da scoula, impustüt:

1. tscherner e licenzcher a las personas d'instrucziun, a la persona incumbenzada cun lavur sociela da scoula ed a la persona incumbenzada cun lavur culs giuvenils i'l ram dals pertschiants da plazzas aderieus.
2. fixer las cundiziuns d'ingaschamaint ed ils quaderns da dovairs per las personas d'instrucziun e l'ulteriur persunel i'l ram da las ledschas chantunelas.
3. l'admissiun e la sortida da scolars.



Statüts

- 4 decider davart la recepziun e sias cundiziuns da scolars our da vschinaunchas chi nu faun part dal consorzi da scoula La Plaiv SFM.
5. cumpiler il preventiv ed il quint annuel, insembel cul post da finanzas.
6. rapreschanter il consorzi da scoula La Plaiv SFM in fats da scoula invers autoriteds, tribunels e terzas persunas.

Convocaziun

Art. 8 ¹Il cussagl da scoula vain convocho tres il president u sün proposta da la mnedra da la scoula, e que uschè suvenz scu cha las fatschendas pretendan que.

²Sün dumanda in scrit e motiveda da la mited dals commembers dal cussagl da scoula u da la cumischiun da gestiun es da convocher üna tschanteda dal cussagl da scoula.

³La convocaziun dal cussagl da scoula succeda il pü tard 7 dis ouravaunt cun indicaziun da las tractandas.

⁴Il rapport annuel, il quint annuel ed il preventiv sun adüna da consegnar als commembers dal cussagl da scoula ed a las vschinaunchas commembras 14 dis aunz la tschanteda dal cussagl da scoula.

Direcziun da la tschanteda

Art. 9 Il cussagl da scoula vain mno dal president u da sieu substitut.

Cumpetenzza da decider

Art. 10 Il cussagl da scoula es abel da decider, scha la tschanteda es gnida convocheda confuorm a l'orden..

Decisiuns

Art. 11 Il cussagl da scoula suos-cha be decider davart fatschendas chi figüreschan sülla glista da tractandas.

Möd da tscherner e da vuscher

Art. 12 ¹ Mincha commember dal cussagl da scoula preschaint ho üna vusch.

²Per trer decisiuns voul que l'approvaziun da la magiurited da las vuschs valablas entredas.

³Mincha commember dal cussagl da scoula es oblio da vuscher.

⁴In cas da tschernas vela la magiurited absoluta i'l prüm scrutin. In cas da parited da vuschs in fats da tscherna decida la sort, in otras fatschendas il president.

⁵La mnedra da la scoula piglia part a mincha tschanteda cun vusch consultativa, piglia però s-chüsa, in cas cha las tractandas pretendan que.

Protocol

Art. 13 ¹Ad es da scriver ün protocol davart il decuors da la tschanteda dal cussagl da scoula.

²Il protocol es da consegnar als commembers dal cussagl da scoula infra 7 dis e stu gnir approvo a la prosma tschanteda dal cussagl da scoula.

Dret da suottascripziun

Art. 14 Vers inour suottascrivan collectivmaing duos commembers dal cussagl da scoula.

Statüts

Indemnisaziun **Art. 15** Ils commembers dal cussagl da scoula vegnan indemnisos da las vschinaunchas commembras respectivas.

c) La mnedra da la scoula

Mnedra da la scoula **Art. 16** La mnedra da la scoula po eir lavurer scu persuna d'instrucziun a la scoula.

Incumbenzas e cumpetenzas **Art. 17** ¹Ad es chosa da la mnedra da la scoula da mner ed organiser la scoula sül sector pedagogic ed administrativ. Ella es suottamissa al cussagl da scoula..

²Sias incumbenzas sun regledas i'l quadern da dovairs.

d) La cumischiun da gestiun

Cumposiziun **Art. 18** Il cussagl da scoula tschernu adüna per la düreda da trais ans a duos commembers da las cumischiuns da gestiun da las vschinaunchas commembras.

Incumbenzas e cumpetenzas **Art. 19** La cumischiun da gestiun ho l'incumbenza d'examiner annuelmaing il quint e la gestiun dal consorti da scoula La Plaiv SFM. Ella ho da rapportar in scrit per mauns dal cussagl da scoula e da fer propostas.

III. Finanzas

An da gestiun **Art. 20** L'an chalendari vela scu an da gestiun.

Cuosts da gestiun e d'administraziun **Art. 21** Scu cuosts da gestiun e d'administraziun velan:

1. Ils salaris da las personas d'instrucziun e da l'ulteriur persunel, inclusivmaing ils supplementants per famiglias e per iffaunts.
2. Il fit da las localiteds da scoula e da las parts dals edifizis ed implaunts chi vegnan eir üttilisos dal consorti da scoula La Plaiv SFM. Ils detagls vegnan reglos i'l contrat da fittaunza.
3. Las spaisas pel materiel d'adöver.
4. Las spaisas per ulteriur materiel d'instrucziun
5. Las spaisas per la biblioteca pels scolars.
6. Las spaisas per excursiuns.
7. Ils cuosts restants dals viedis da scoula.
8. Las spaisas pel transport da scolars cun mezs publics.
9. Las premias da las sgüraunzas confuorm a la legislaziun da scoula dal chantun.

Statüts

Clev da repartiziun dals cuosts **Art. 22** Zieva la deducziun da las contribuziuns dal chantun vaun ils cuosts da gestiun e d'administraziun scu eir quels pel servezzan da chapitël a charg da las vschinaunchas commembras. Las singulas quotas vegnan calcedas per 50% tenor la quantited da scolars per vschinauncha commembra e per 50% tenor la quantited dals abitants. Per determinar la cifra dals abitants scu eir dals scolars vela adüna il prüm di da l'an chalendari respectiv. A vegnan resguardos tuot ils scolars dal s-chelin ot, exclusivmaing ils scolars chi frequaintan ün progimnasi cun oblig d'examen, üna scoula da sport u üna scoula speciela..

Responsabilitèd **Art. 23** Las vschinaunchas commembras sun responsablas pels impegns dal consorzi i'l ram da lur oblig da pajer contribuziun, per quaut cha la faculted dal consorzi nun es sufficianta.

IV. Drets dals votants e da las vschinaunchas commembras

Referendum facultativ **Art. 24** ¹ In cas cha 200 abitants cun dret da vuscher da tuot las vschinaunchas commembras u la suprastanza d'üna vschinauncha commembra pretendan que, vegnan las sequintas decisiuns dal cussagl da scoula suottamissas a la votaziun dal pövel:

- a) Il preventiv
- b) Il quint annuel
- c) Decisiuns davart expensas annuelas d'üna vouta chi paun gnir definidas libramaing da pü cu CHF 50'000.— u expensas annuelas chi's repetan da pü cu CHF 10'000.--.

²La votaziun dal pövel ho per regla d'avair lö infra 6 mais daspö la reuschida dal referendum facultativ.

³Per cha la proposta vela scu approveda voul que l'approvaziun da la magiurited dals votants da las vschinaunchas commembras in proporziun da la populaziun cun dret da vuscher scu eir l'approvaziun da la pluralited da tuot las vschinaunchas commembras.

Iniziativa **Art. 25** ¹ Cun ün'iniziativa paun la suprastanza d'üna vschinauncha commembra u almain 200 abitants cun dret da vuscher da tuot las vschinaunchas commembras suottametter üna proposta al cussagl da scoula dal consorzi da scoula La Plaiv SFM in sia sfera da cumpetenzza. Exclus da que sun decisiuns cha'l cussagl da scoula ho trat i'l ram da sia cumpetenzza u chi vegnan reglos tres la relaziun giuridica traunter il consorzi da scoula e terzas persunas.

²L'iniziativa po gnir inoltreda in fuorma d'ün'intimaziun u d'ün sböz formulo. Ella es da motiver.

³ Per quaut ch'el nu la declera scu decisiun, ho il cussagl da scoula da suottametter la proposta infra 6 mais daspö l'inoltraziun a las vschinaunchas commembras per la decisiun, sch'ella ho in mira la revisiun

dal statüt d'organisaziun eventuelmaing in colliaziun cun üna cuntraproposta.

⁴Per cha la proposta vela scu approveda voul que l'approvaziun da la magiurited dals votants da las vschinaunchas commembras in proporziun da la populaziun cun dret da vuscher scu eir l'approvaziun da la pluralited da tuot las vschinaunchas commembras.

V. Giurisdicziun

Via leghela

Art. 26 ¹Decisiuns e disposiziuns da la mnedra da la scoula paun gnir contestedas infra 10 dis daspö la comunicaziun tal cussagl da scoula.

²Dal rest as drizza il recuors cunter decisiuns e disposiziuns tenor la ledscha da scoula dal chantun Grischun e tenor la ledscha davart la giurisdicziun administrativa.

³Per cuntaisas traunter il consorzi da scoula La Plaiv SFM e singulas vschinaunchas commembras u traunter las singulas vschinaunchas commembras vela la procedura da plaunt confuorm a l'art. 63 LGA.

VI. Disposiziuns finelas

Vigur

Art. 27 ¹Il preschaint statüt d'organisaziun aintra in vigur zieva l'acceptaziun dals votants da tuot las vschinaunchas commembras.

²El rimplazza ils statüts dal consorzi da scoula La Plaiv Suot Funtauna Merla dals 01. schner 2012.

Revisiun

Art. 28 ¹Sün proposta dals votants sün via d'iniziativa u sün proposta dal cussagl da scoula po il statüt d'organisaziun adüna gnir revais interamaing u parzielmaing cun üna votaziun in tuot las vschinaunchas.

Sortida

Art. 29 ¹Üna vschinauncha commembra po sortir dal consorzi da scoula La Plaiv SFM sün la fin da l'an da scoula, resguardand ün temp da desditta da 3 ans.

²La vschinauncha chi sorta nun ho üngüns drets vi da la faculted dal consorzi u da restituziun da sias prestaziuns fattas. A resta la respunsabilitied d'üna vschinauncha chi sorta per sieus impegn visavi il consorzi da scoula La Plaiv SFM scu eir pels impegn dal consorzi chi s'haun furmos aunz sia sortida.

Reentreda

Art. 30 Üna vschinauncha chi'd es sortida dal consorzi po darcho gnir recepida da las vschinaunchas commembras sül cumanzamaint d'ün an da scoula in observand ün termin da spetter da 12 mais. La dumanda da recepiun es da drizzer al consorzi da scoula La Plaiv SFM.



Statüts

Aboliziun

Art. 31 L'aboliziun dal consorzi da scoula La Plaiv SFM drouva la magiurited dals votants da las vschinaunchas commembras in proporziun dals votants scu eir l'approvaziun d'almain trais vschinaunchas commembras.

Part integrela d'üna decisiun d'aboliziunsun la liquidaziun d'ün'eventuela faculted e sia repartiziun traunter las vschinaunchas commembras.

Approuvo da la radunanza cumünela da

La Punt Chamues-ch,

ils **20. Juli 2018**

il president

l'actuar

[Handwritten signature]



Madulain,

30. April 2018

il president

l'actura

[Handwritten signature]



Zuoz,

ils 20 gün 2018

il president

l'actuar

[Handwritten signature]



S-chanf,

ils **25. April 2018**

il president

l'actuar

[Handwritten signature]

